

乙

巳

巳

乙巳占卷第六

朝議郎行秘門郎中護軍昌樂縣開國男李淳  
風撰

太白占

太白一名天相一名太正一曰太皞一曰明星一曰  
長庚西方金德白虎之精白招矩之使也其性義其  
事言其時秋其日庚辛其辰申酉其帝少昊其神蓐  
收其虫毛其音商其味辛其臭腥其卦乾兌易曰說  
言乎兌戰乎乾是故太白金為大將為威勢為斷  
割為殺害故用兵必占太白體大而色白光明潤澤

所在之分兵強國昌體小而暗軍敗國亡

太白金秋人君當秋之時順太白以施則吉逆之則凶是故可以秋日賞軍師武又于朝命將監士厲兵簡練俊傑專任有功以征不義誅伐暴慢而明好惡以服遠方完城郭修器械車乘校田獵習五戎三令五申以明軍事則太白光而潤大順行軌道其國兵強主昌

太白之見也以其時修法制繕國固具桎梏禁奸邪務執縛察刑戮罪斬教必當無留有罪枉撓不當人君大臣受其咎施制合時則太白伏見以時進退如

度稱兵及伐必克四夷賓服

又于秋時人君當審法度養衰老授凡杖築城修垣  
完倉廩務收歛紬蓄積無出宿無列土授封以傷秋  
收之氣太白喜而光澤國富民強矣

凡奉大事無逆天教必順時因類則太白降之威而  
奸盜自息我杖賓服矣違教逆天時政不以類則太白  
經天書見國易政凶夷內附侵中國亂失道者亂亡  
矣若以秋時行冬令則辰星之氣干之太白色黑而  
芒角陰氣大勝我兵來風災起多盜賊边境不寧地  
震而國有大喪重獄

以秋時行春令則歲星之氣干之太白色青而昧小  
國旱君有大憂陽氣遲五谷无實時雨不降歲旱不  
榮矣

以秋時行夏令則熒惑之氣干之太白色赤而怒兵  
起國多火災寒熱不時民多害疾蟄虫不藏若行  
令得以其時白色而光潤无錯逆為兵強可以攻守  
太白從軌道修度先時者國有應變多擁之將從華  
而應改易也  
太白主斷決訟獄治軍旅故以使民倉廩盈實則  
太白明靜而國治也若獄訟不理戈獵非時政教逆

天

太白芒角動搖盜賊群行兵騎滿野攻戰不息兵旱並起

夫秋主義。者理財正辭禁民為非者也凡用兵之要當占太白以太白為大將之位兵之象

太白出入兵順之吉出逆之凶

太白出高用兵深入吉淺入凶先起勝

太白出不淺入吉深入凶後起吉

太白晝見有兵。罷无兵。起不出六十日

太白出東方始見月末盡三日在月南得行在月北

乙巳占

卷六

三

失行是謂反生不有反軍必有屠城北國當之

太白出東方月未盡三日太白在月北負海國不勝  
在月南中國勝

太白出西方在月北得行在月南太白失行是謂金  
入火有兵罷

太白出西方月生三日太白在月北負海國勝在月  
南負海國戰敗

太白與月相夾有兵客三指有兵憂客二指有城憂  
有偏將之戰

太白與月出城守者拔城

太白与列宿相犯为小战与五星相犯为大战  
太白出南、國敗出北、國敗

太白出東方為德事用兵遂之吉背之凶  
出西方為刑卒事用兵右迎之吉左背之凶

太白守南斗七日夷狄侵

太白入羽林軍兵起

太白入昴畢胡可滅太白光影战不勝將軍死

太白變色隨方所战勝色青東方勝

太白入月四日候之其旁有小星附出若去尺餘至  
二尺客軍大敗有死將軍在外旁有小星去之一尺



罷軍

太白色白而角文不可以戰赤而角武可戰

太白与木合光戰

太白應出不出應入不入此謂失舍不有破軍必有

死將所受之國不可以戰不當出而出不當入而入

天下兵起有敗國受者不可戰

太白始入十四日而復出軍戰死入七日而復出

相死

太白始出小後大兵強

太白有芒戰吉不戰凶順而擊之吉逆之凶

太白行遲用兵遲吉疾凶行疾用兵疾吉遲凶  
太白出則兵出入則內兵戰勝用兵象太白吉逆  
之凶赤而怒戰白而角喪

太白與月並出準之指間客一指期八十日有軍  
破將死主人不勝客二指期十二日軍大敗主人亡  
地客三指期六十日破軍死將王者亡地四指客期  
二十五日客軍大敗客五指日期三十日軍戰不勝  
太白出西方月始出三日與月並出其間客一指軍  
在外期十日有破軍死將客勝客二指期  
破軍將死主人勝客三指期二十日有敗軍死將客

大勝主人亡地客四指期二十五日客入境主人不  
勝客五指期三十日軍戰不勝並出者占不並出不  
占

太白一東一西害侯王一南一北兵乃伏

太白犯房戴麻森

犯畢角二宿戰流血

犯左角左將死犯右角右將死

太白在填星北天子失地

五星及太白守畢中國亂大人當之國易政

太白熒惑長星守心哭聲吟太白入月中不出客

將死

太白入月中而星見臣弑主

月蝕太白國君戮臣弑主

太白經天不出三年必有大喪大臣有殃

太白出辰星不出太白為客主人雖兵強不勝

辰星出即以太白為主人有主無廢兵戰

太白辰星俱出東方東方國勝西方大敗

辰星守太白不去大將死

辰星居太白前二日軍罷

辰星出太白小戰南三尺軍約大戰

乙巳占

卷六

六

太白進則兵進

太白辰星俱出西方西方國勝東方大敗

太白辰星各出一方格也有兵不戰

太白辰星俱出而合宿乃戰异宿兩軍相迎不出

太白出未高敵深者可敵亦勿進

太白入西方未出東方南方起兵者勝得地其後主

敗將死

太白入東方未出西方北方兵起者身死之地

太白主秦國主雍涼二州

太白主秦晉國與王者兵強得地以王天下

太白出角則兵起白角起兵黑角罷兵青角有變  
太白國有喪隨其所指兵之所起  
太白晝見為兵喪為不臣更王強國弱國強  
太白晝見赤為秦國強冬以其宿占其國有兵起  
太白犯五星有大兵犯列宿為小兵  
太白犯熒惑為大戰

魏青龍二年五月丁亥太白晝見積三十餘日以  
晷度推之非秦魏則楚也是時諸侯使諸葛亮杜  
渭南與司馬懿相持孫權寇合肥又遣陸遜孫皓  
急入淮帝親東征蜀奉秦地則為秦魏及楚兵俱

起

月与太白相犯人君死又為兵

太白当見不見是謂失舍不有破軍必有死王簒其國

宋志云晉咸寧四年太白應見不見至晉元五年十一月羊祜伐吳太白始夕見西方而卒滅吳此當見不見之應也

太白干犯列宿占

太白犯左角大戰不勝將軍死  
守角一尺十六日太子驕佚國都圍大人自將兵于

野民多疾疫

守角為兵守而其色黃大臣益地色赤臣欲叛其主  
逆行左角間有刺客害天子慎之

守左角群臣有謀不成有其家坐罪

太白入亢中國有兵后行族犯凌而有芒角朝廷貴  
臣有戮者近一百日遠八月

數入亢其國疫疾

守角亢為兵大人自將兵于野

守亢收歛用兵以脩北方逆行犯亢為兵逆行臣亂人  
君有憂

乙巳占

卷六

八



太白犯左星左中郎將誅死犯右星右中郎將誅  
死期三年又曰五星犯左左右星占上同

入天天下大疫一曰有兵  
与五星同守天加兵其国

太白入房成句己天子忌之以赦解

刺房心皆正不失儀失則為變

犯凌房国君有憂色青憂喪色赤憂兵積尸成山色

黑亦有將相誅色赤芒角大表

五星

守房国大喪大臣有戮死者為良馬出廐臣益君命  
臣協君天下易主大人喪有反臣大臣當之

逆行守房群臣戴鉞

犯守房為天下相誅

犯守鈞鈴王者憂心

守心三寸以內王統兵將軍亡五星全

中犯乘凌心太子太子憂犯庶子庶子憂

守心天下大怪

逆行守心環繞成句已為大人忌以赦解之

中犯乘守心為大戰不勝將軍門死

犯守心兵起國相為乱一曰大臣當之

太白犯尾人民憂國易政

守尾神官人有罪者為亂多水災五谷不成  
出入留守尾兵起于野士將滿道不行國乏糧  
留守尾犯乘凌尾后有珠玉簪珥戲天子者說諛天  
起后相者長死官人出走兵起宮門

太白犯箕女主有喜

守箕大人將兵自衛久守之多土功事多疾疫天下  
有兵動天下無所定計

太白舍犯南斗以寸陰乘陽小人在位

入斗將軍戰死國易政期三年將相出有斥者又曰  
被殺者亦為天下憂爵祿期六十日若九十日

犯守南斗國有兵事大臣有反者誅

犯南斗留守之破軍殺將

太白入牛為天下牛車有急行入牛留守之大人憂  
死將軍失其牛關梁阻塞民飢有自賣者

守牛兵卒起期六十日又曰妖言無已

犯守牛國有大兵將軍為孔大人憂國易政

犯牛留守之為有破軍殺將

太白犯女布帛貴出入留舍女權擲貴其國有兵

守女王者發帛絲庫藏室出

守女若入之中幸臣与女亂

乙巳占

卷六

十

守女妃謀主兵發內起

入女留守女有表大臣謀主

逆行留守犯凌女天子及大臣有疾女有政令

太白入虛不出九十日有大赦遍天下一日國多孤

寡

太白入危去之一尺諸侯無忠者以讒言相謗若有

斥者

入危犯守之為天下有爭事兵大起國有憂兵加齊

國亡滅

太白去室一尺守之威令不行

入室犯之天下兵滿楚人主威令不行六十日不  
將軍死亡

守室太子及后妃与臣謀兵起于内一日為大忌以  
赦解之

太白去壁一尺諸侯用命

守壁右文武並行衛士用兵大人當之

守壁天下有軍不战大臣向正

犯守壁且有兵喪

太白入奎中大水橫行不出百日

守奎兵起一日聖人示一日後殺大起國有逆謀不

過歲中又曰大軍戰死若戰死期九十日國有流民  
又曰赦為王者漢大人當之

犯守奎外兵來入國若出奎一尺四夷共攻中國期  
四年

太白順行入婁子歸其母政令和平國有喜

去婁一尺爵祿貴

出舍婁天下起兵秦國以發兵加于魯之城

守犯婁赤色將軍和平天下有喜

太白犯胃色赤五十日不下其國大敗有亡主期不

出其年

入胃二十日兵起流血五十日不下兵見百里流血  
後月殺赤如火起流血一日青黃有德令  
逆行守胃成句已其君死大臣有誅者若去一尺兵  
起大飢人相食百八十日

太白犯昴旱大暑起兵近期一年遠期五年

入昴天下擾之民多有下獄者一曰大臣有獄死者  
入昴天下擾兵大起期五十日入昴中大赦近期十

五日遠三十日

太白行度期近行遲期遠

入昴大憂國易政兵大起有流血千里主命惡之不

乙巳占

卷六

十二



出其年

守昂四夷有兵事

入昂若出昂北若犯乘守胡王死

太白犯畢出北陰國有憂

犯畢口大兵起邊兵敗一歲罷亦刑罰事

犯畢右角胡兵大戰

入畢口中有女表一日將當之君有大憂大人惡之

在東方入畢口車馬貴易政

守畢旁其兵亂

犯守畢附耳國誘倭臣在主側以弋獵或王者若相

有喜

太白守崑崙其國兵起天子動移大臣當之國易政兵  
起斧鉞用期九十日一曰當溫反寒當寒反溫當雨  
反晴當晴反雨四方客兵動侵地為君崇禮制義則  
安國

居崑崙君臣和同

守崑崙万物不成一曰民多疾大變一曰天下兵起人  
民相謀

太白犯參兵將行

犯參右角有大戰左將憂犯左肩亦大戰左將憂若

大臣當之將軍死

逆留止中衛兵芽起

守參有兵天子之軍破牛馬有急行

守參有赤星出中邊有兵

犯守參伐大臣為亂車騎發令皆從兵急

太白犯井人主浮動船鉅星一曰將軍惡之

入井中大人衛守國君失政大臣為亂兵大起

犯中乘守井為其國內亂兵起井鉞干之兵起斧鉞

用

太白犯鬼貞將戕

入鬼為罪斬大臣兵起主旱一曰亂臣在位有屠城  
行守鬼成句已若環繞之國有死王大臣有戮者王  
者不行人民死者大半

久守鬼病在女主留二十日以上有喪期八月

太白入柳兵大起有益地者

逆行入柳成句已下刑上臣謀主人有怨仇多暴死

抵柳一尺國有忠臣專憲無患

出入留金鬼五十日不下民疫死而不救

犯守柳有急兵若有變更之命下凌上君弱臣強奸

臣賊子謀殺其主

守柳大將軍出

太白犯心星為臣亂

入心星有君置太子者

經心星民非吾民一曰當有詐為王者

守心星二十日以上急兵事一曰守心星二十日以

至三十日大將出

太白犯乘張三日以上至七日將軍內反賊臣在內

守張其國有兵謀不成天子以空發兵一曰為反臣

中外兵以德令解之

五星同

犯張兵草滿野天下易政

犯守張下凌上君弱臣強奸臣賊子謀弑其主

太白入翼天下兵塞

守翼為萬物不成人民流亡

守翼三日以上為大亂有大風

太白犯軫其國兵起得地

出入留舍軫二合軫為楚府庭太白秦國之星也主

之

行軫客來過楚

守軫兵大起有亡地千里恐有喪兵謀有欲人伐上  
者

入軫中兵起國易政及有自來侯王受命于王者男  
子有封爵之喜士卒有征伐之役諸侯應之魏以位  
禪晉時太白及留度進退子午之間二十餘日晉伐  
吳之年太白入軫

太白干犯中外官占

太白入五車留不去秦國金玉貴一日兵大起一日  
萬人以上入國以宿占其國

太白乘守天庫中國兵所向無不勝有自來王得其  
人民中國有大喜

太白入南河天下難起道塞

太白五諸侯興民者亡國

太白犯南河戒邊兵臣有謀若兵起夷狄臣愛若毀  
亡

太白犯軒轅御女天子僕死若乘守之有逆賊若火  
災

犯軒轅大星女主愛

太白出東井犯必有白龍出左右

太白入少微名士有憂王者任用小人忠臣被殺死

太白犯太微主受事期命奪號減衛為期

太白犯左右執法執法



太白以庚子曰順入太微天庭中天子所使也不以  
庚子曰非天子之使

太白當太微端門為受制在左右執法為受事守端  
門三日以為受制三日以上為亂為賊為飢  
太白入太微宮抵黃帝座有兵在中  
五星觸座君賊死

### 辰星占

辰星一名安調二名細極三名熊星四名鉤星五名  
司農六名鬼星北方水德玄武之精叶光紀之使也  
其性智其事聽其時冬其日壬癸其辰亥子其帝顓

項其神玄冥其虫甲其音羽其數六其味醢其卦坎  
為月為刑獄險阻故辰星主刑獄所在之宿欲其小  
而明則吉而刑息獄靜百姓安大而光明則刑獄不  
中人民險害有阻守之象辰星所在其國有才智用  
兵為主

入君當以冬時修辰星之政恤孤獨察阿党謹蓋藏  
修積聚城郭以門閤慎管鑰固封疆邊境防要害慎  
關梁不為淫候命將帥講武射御角力歸事省已則  
辰星順度人君若淫佚非道縱恣恐外戚不禁習不  
恒刑獄起衆發微開洩藏氣則辰星失行伏見不常  
乙巳占

而有芒角矣則民疾疫隨之以喪亡國不昌

人君以冬時行春令則歲星之氣干之辰星色青君  
愛刑獄動死生不当地凍不密氣洩人流亡來春蝗  
出為灾水泉竭民多疥癩眚大多固疾斷刑官出  
人君以冬時行夏令則熒惑之氣干之辰星色赤而  
小昧淫禍並起兵旱國多暴風冬不雪不寒霧冥昧  
雷發聲矣

以冬時行秋令則太白之氣干之辰星色白則威刑  
並作獄訟軍旅同時而興霜雪不時小兵起地侵四  
鄙入堡  
今逆時則辰星不軌錯逆動行降之以

行誅大臣刑戮作令得時則獲吉

自辰星降之以治民靜國安君威遠國無危難人君  
聽察是非智慮詳審刑戮當其儀允則辰星明光而  
小若君聽諛污穢刑戮無辜獄訟停滯其儀不當則  
辰星乘芒氣暈不明天降刑戮人氣國不昌若用兵  
辰星出東方色白即勝外國敗出西方色赤西方勝  
中國敗無色黃有福

辰星有角小戰

辰星色黑而三芒有罷兵天下無兵

辰星太白出西方辰星居太白前滅日在西北陰國

乙巳占

卷六

八

有兵謀以戰主人勝在西南陽國有兵謀在外敵客以勝

辰星与太白在西南。方事在北。西北方事正在西。陰國事正在外。陽國事

辰星与列宿星合為亡地。為將死。

辰星与填星合為殺軍。合閼為戰。與戰內亂。

辰星出東方大。而白。天下有兵有水。

辰星太白俱出東方。皆赤。而角中國敗。負海國勝。

辰星入月中。人主戰敗亡地。

辰星太白同出。破軍殺將。客勝。視其所指。以命破軍。

辰星環太白若與聞戰客勝主人吏死

辰星過太白間可容劍小戰客勝太白去三尺軍急  
約戰

辰星色黑三芒天子有兵一時再見則有軍在外有  
罷

辰星在太白北出利主人出太白南利客

辰星屬水性平且智故主刑獄焉

辰星伏而不見經時斷獄者失理人君察之

辰星伏見以時則斷獄平矣

辰星怒芒角有累兵否則水損城郭傷嘉苗

辰星見于四仲之月加四孟月而見之与彗孛出同  
占又有当見而不見是謂不效主治國者智淺聽塞

辰星干犯列宿占

辰星乘左角為旱乘右角為水一日為水兵戰  
守角王者刑罰急一日大水滂沱人民往來舟楫相  
望留兩角間閼梁阻塞軍有與國庭者戍阻塞

辰星入亢其國病疫

守亢國有憂天下大亂

守亢逆行不順其色明大政令不行

逆行守亢為中兵

辰星入氐貴臣暴戾法官有獄事

乘氐右星天下有大水大兵乘左星天子自將兵于野

辰星入房十日成勾己為天子惡之以赦解之

守房天下水大起否則有兵一日為胡兵發一日有白衣之會

辰星守心以水為滅火三日不去主服藥酒忠臣誅戮山川大潰水溢滂沱一曰大水滂沱天下失綱一曰為火時多盜賊人民相惡一曰天下易主姓此一曰大臣戮主



逆留犯守乘凌心王者起內賊亂臣下有謀易位天子者權家得勢

辰星入尾天下大水江湖決溢魚鹽貴三倍

守尾箕後宮有罪羅者一曰大飢人相食民異其國

君子賣子妃后亂

辰星入箕天下大赦一曰大人當之

守箕若動角芒貴者有棄自相滅

守箕七日以內禍灾起若有疾風解之消

辰星入南斗中大臣誅一曰不用兵衆而有天下

守斗有兵赤而角天下敗白而大烈地相賄賂為利

黑而小其國亡一曰有兵易政改朔

留南斗所守之國當誅

辰星入牛五穀不成

守牛水涌為敗牛多死

牛當朝不朝名曰失律二時不朝名曰失政三時不朝名曰五穀不成

辰星入女守之其國當娶婦嫁女事若他國進女者守女為万物不成一曰后夫人有變主一曰女主御

世天下大赦其國水大亂

辰星犯虛其國多水災

乙巳占

卷六

二十一

守虛政令急天下大亂天下虛大人憂

守虛若角動青色臣有欺君者有兵喪于國內

守虛有女災丁壯行役妻子獨居万民坐虛

辰星入危奸臣謀主

守危有大水大喪一曰皇后憂疾兵喪並起

辰星入室天下大兵乘水欲攻王侯之國不出百二

十日

守室天下諸侯發動于西北

辰星犯壁王者刑濫罰苛朝廷憂愁國有蓋藏保守  
之事

守壁兵草起

入壁守之奸臣有謀

辰星入奎有決滯之事名有水絕者

守奎外國之人王入御中道一日天下多災為旱萬

物五谷不成有兵災一日王者憂大人當之

辰星守姜若角動赤黑色臣有爭邑而起兵者

守姜多水災一日外國之主入御中道

守姜犯之主者刑法急大臣當誅必有下獄者

辰星犯胃天下谷無寔以為飢憂一日為亂

守胃有急令一日國主當之

乙巳占

卷六

二十一

逆行胃天下大兵倉庫空虛

犯胃天下不安寧

辰星乘昂有亡國有謀主之變若行其北西夷有毒

霜早降歲有疾癘

犯昂乘之兵起為民害

垂昂若出地為陰國有憂若胡王死

入昂中有三丈水留二十日若六十日守昂中國開

門有大客國政大危易政令若自來

守昂畢東南行至天街及至五東為邊兵發有赦

辰星犯畢出其北陰國有憂出南、國有憂

入畢口各伺其出日而數之期二十日為兵發始入  
處率一日期十日為軍罷

出入畢口邊有兵一日其國易政

出畢陽則早出畢陰則水為政令不行

出畢山水潰河大溢潦大至

犯附耳兵起若將相有喪憂否則免退

辰星入甬中伺其出日而數之期二十日兵發伺始

入之處率一日期十日罷軍

入甬子歸其母君臣和同

守甬為可物不成一日旱五谷不成大人憂又日不

乙巳占

卷六

二十三

出百日天下大飢一日多水灾

犯帑不可動衆行兵一日有反臣不出百日天下水

趙國尤甚

辰星犯參貴臣殞

守伐星南朝入塞移北胡出塞出參天子不可以兵

動衆國有反臣

守參有赤星

守參中還有兵

宿參若宿伐為有反臣  
辰星入井若星進兵進

守井為水災

守井若角動色黑為水起兵色黃潤澤天子善令若  
色變大人憂天下有名水絕所為絕者逆行而入之  
入井胡兵起五谷霜損其國尤甚歲大慝

守鉞大臣誅斧鉞用者兵起 受期下井、朝鬼五  
谷不登

辰星犯鬼有兵一曰犯天尸兵起

犯天尸貴臣有罪

犯四星天子當之

守鬼大人不祭祀之事

乙巳占

卷六

二十四



辰星入柳天庫先澇後旱

守柳歲不收一日為反臣中外有兵以德令解一日  
貴臣得地後有德令不出九日

辰星守犯七星有君置太子者

留七星兵內亂若守二十日已上有水

守七星貴人有罪若法官有憂

守犯七星三月以上賊臣在側若叛臣皆九十日應  
之

辰星守張天下水兵起

守張若角動有臣傷其君色赤有兵出

守張為反臣中外有兵以德令解謂赦之也

入張若守水入火為逆理犯上天下不安下謀主多  
聞訟若多疾

辰星入翼中兵火起

守翼水入火逆理貴臣憂若大臣戮又水旱之災星  
入其度當位者退之以消天意王者以赦除咎

守翼太水兵起色白京師兵起色黃事成青黑死事  
辰星入軫中為火起

守軫天下大變貴人多死一曰國有喪一曰万物五  
谷不成一曰為反臣中外有兵以德令解之一曰威  
乙巳占

臣出

辰星干犯中外官占

辰星入五車則水開

入五車乘犯守之庫以潦兵起

守南河戒兵起變夷兵邊城憂若有旱災人民飢又  
曰留守南河戒中為兵起西方

行南河戒中若留中守南為旱一日為疾疫

辰星行犯守軒轅女主失勢一曰大臣當之若有點

者期三年

中犯乘軒轅太星大飢大流太后宗有誅者若有

罪

辰星入乘犯少微宰相易一曰主有憂

乙巳占卷第六終

乙巳占

卷六

二十六

乙巳占卷第七

李淳

朝議郎行秘門郎中護軍昌樂縣開國男李淳  
風撰

流星犯日月占 日辰所在宿分國屬而占

流星映日而色赤向日流者天下不安帝王易位人  
主崩亡百姓逃竄九州荒蕪流星映日前銳後方王  
者被大臣殺後官大亂天下振動日月無光人民大  
疫天下半死

流星前赤後白夕見者大臣欲謀國陰發使  
流星晝見映天明者陰有謀臣欲奪國政誅賢良之  
乙巳占

期一年中期二百日下期百日必然也

流星夕墜光耀天者所墜分野有大兵起一云有霸

王土流血為災一云所墜分野大疫為災

流星流下一時晝墜地其分王者死一云被迎殺一

云其分大亂流血為災一云赤地千里百草枯涸王

者受戮

流星晝落作聲野雉皆鳴群鳥尽驚所墜之分主大

兵起大戰流血積骨如山血流溝壑王者大憂遠期

三年中期一年近期百日

流星赫奕翳日王者被殺期百日如日無光期十日

流星入漢八角散者帝王欲發大使宣慰四方一云  
八道賊起欲散他邑一云欲有卿相走投他國  
流星衝月大臣有事除敗之兆遠百日近十日  
流星冲月透者大臣被殺王者受戮太子亡  
流星白色冲月后受

赤色冲月后病一云後宮口舌大起王者大怒

流星蔽月光欲有大使至他國宣揚大德

流星雙貫月宰相被將殺大兵起公卿受死

流星五色映天奪月光帝有大使發

流星赤色光前方後銳映者公卿宰相謀國陰兵起

乙巳占

卷七

二

王者失國天下荒亂

流星四面一時刺月臣弑其君子殺其父大兵起一  
云四方有使還使叛心離上

流血平犯五星占

凡五星自流者所主之分國荒人民相戕帝王奔走  
徒野必有敗國

五星流于福德之鄉聖人見流于無福之鄉將受其  
辱主受其殃國家滅破天地反聚不可不察

流星与岁星聞光却偃其分君被使辱使受其戕一  
云使半路被殺一云國君抵雄鄰國悉辱



流星赤直繞刺歲星其分使被戮一云病死  
流星黃潤行緩頭尾直端去歲星一二寸滅此分君  
有福鄰國來賓主霸國此名伯王之使

流星冲熒惑其分君有福光影熒惑者國有大使至  
此雄猛之使必有奸淫之意宜察之

流星穿熒惑過熒惑無光其分君國死荒

流星与填星相犯外国有奸人入國一云夷狄來賓  
流星未抵填星其填星光潤其分君有福國昌主霸

邦寧

流星犯太白太白無光將帥有憂一云大將死軍大

敗

流星光潤前後光銳穿太白帝王德令行邪事兵強  
大將還

流星犯辰星帝王伯德令施四方水官憂一云大水

至

辰星被流星奪其光外有使欲行直言一云使曰振  
德

流星入列宿

流星入左角兵吏有來事者色赤以兵色黃土功色  
黑死凶色青憂色白義事

流星入兩角間天子使出

流星抵角、不動臣欲弑主、戮使

流星犯角口舌帝王兵止行事抑挫春犯疾疫夏

犯口舌女子妖言秋犯死喪冬犯吳良用事

流星入亢中幸臣有自殺者死期一年色黑出亢愛

臣有口舌事期百八十日或一年

流星犯亢府庫憂

春夏犯大妖言王者憂秋犯分疾冬犯盜賊起水災

流星入心兵起若國有大水一曰國相疫

流星出亢入心人民相食病疾帶而下

乙巳占

卷七

四

流星抵氏國多恐

流星犯太祕閤官有事春秋犯其照曜者冬夏犯旱  
流星入房不出其年國有大喪炮曲入房臣弑其主  
代臨輔臣王者以赦除災

流星中房民怨大人憂臣欲弑王兵大起宮中不出

一年遠二年

流星犯乘明堂皆為大人憂為亂內近期十年遠三

年

流星犯衛房大兵起一日大水災春夏犯土官憂  
秋冬犯人大飢太宰丁反

犯乘太子太子憂犯乘庶子庶子憂犯乘明堂君去  
犯死

流星入心不出期年國有大喪一曰臣弑主期不出  
年一曰有使來色赤以兵黃土功白義青憂黑凶  
流星出心大臣出使以五色占之一曰遠使來星大  
為大國使來小為小國使來

流星犯心其星動主有憂春夏火災秋冬犯冲中星  
天下有人行直吉天子憂國

流星入尾色青黑臣有歸者及逃走者

流星犯冲尾后犯有賤黜者

乙巳占

卷七

五

春夏犯後宮口舌起秋冬犯賢良用事妖言被誅佞者受誅

流星出箕宮人有黜者

流星出尾入箕大臣有棄捐者

流星犯箕春夏金玉貴秋冬土功興王者大作宮室浚城隍

流星入斗有使來入國色赤言兵黃言言土功白言

義青言憂黑言死

流星出斗有使者以五色占之

流星犯斗宰相有憂春犯天子夭壽夏犯水灾秋犯

宰相黜冬犯斗魁大臣逐

流星入牛大相出期八十日一曰客有以四足虫為  
幣來者色青道病色黑道死不至

流星色赤入河鼓受命于主出河鼓將出受命星之  
所之以占四方又流星犯牛王教政事出春犯五谷  
貴秋冬犯五谷貴一云水災

流星入女天下不納女者出女御有使者

流星犯女貴女有獄期百八十日

流星抵女女主有事于君有流死者期不出一年

流星犯女布帛貴

乙巳占

卷七

六

春夏犯女大雨滂秋冬犯孛絮貴天下發不收  
流星入虛色青哭泣之事色黃若白有受賜者  
奔星以乙丑日流入女虛危之間有流入虛臣有出  
使者

流星犯虛天下哭泣春夏犯廟宮憂秋冬犯天子將  
兵出野

流星入危天下不寧其國憂下欲謀上期百八十日

遠一年

流星入危以人為幣之危右以兵為幣之危出左  
入危色青以水為幣白以四色虫為幣黃以貝為幣



流星交對抵危中國與北狄交兵  
流星犯危祭酒記事動春夏水災  
滿溢後秋冬犯口  
舌人起毀者辱

流星犯墳墓塚官有事

義  
流星入室有使來王赤兵黃土功青客凶黑客死白

流星出室入王去其國若有兵起宮中王者有慶  
一曰出室有使者以五色占之

大奔星色赤抵至其國凶貴人有死者上旬見老人  
來上旬死中旬見中年來中旬死下旬見為壯盛來

下旬死

流星犯室軍事乏糧春夏犯將帥出秋冬犯水溢洪

流土加興

流星犯壁大國分兵一半曰文章士死

流星從西入壁人君用故臣從東抵壁婦人憂

流星犯壁賢良用春夏犯文章者用秋冬犯道術興

行

流星入奎有破軍殺將有溝瀆之事于國內

出奎有溝瀆之事于國外

流星犯奎武庫用事春夏犯金草與秋冬犯百川水

溢為灾

流星入婁有聚眾之事于國內有白衣會為大亂期  
三年

出婁有聚眾之事于國外

抵婁貴賤相謀不服食

流星犯婁五祀官用事春夏犯園囿興作秋冬犯穢

牲貴

流星數犯婁多人死

流星入胃係倉之事于其國內

入外于其國外

乙巳占

卷七

八

流星犯胃主倉庫出春夏犯五谷大貴秋冬犯倉庫  
室五穀散麥大貴人民相食

流星入昴四夷交兵白衣會若貴人有急不獄  
出昴兵衆滿野若他國有使至期百日遠一年

入昴胡兵起近一年遠二年

流星入昴胡王死春夏犯其君昌秋冬犯有殺期  
一月

流星犯畢邊兵大戰

入畢口而復出其星小小赦星大大赦

流星犯畢邊兵大起春夏犯流血為灾秋冬犯火灾

魚行人道

流星犯觜其國起兵從上入觜中口者天子出地他  
國從外宿中來則外國使至三十丈至百丈流光將  
軍之使十丈至二十丈小使皆不出一年

流星出觜君欲斬殺事春夏犯多雨秋冬犯口者大  
風雨人民多病

流星入參衡石之事于國內色青黑不出其年兵起  
流星出南門刺參不出十年若六年有一國王魚天

下南門南

流星出觜口有探旅之事于國外一曰兵罷

乙巳占

卷七

九

使星守參左五穀貴守右五穀熟

流星參星兵大起春夏犯名將死秋冬犯猛將用

流星犯玉井天下大白流血成川

流星犯井大臣誅其國有兵期百八十日

入井有水令而來其國分止一曰其國若以水亡其

分人飢期三年

出井有水事于國一曰水有絕者

流星大光犯冲井有大使至主大憂春夏犯秦地乱

一曰主百川溢秋冬犯宮中憂人多死魚鹽賤

流星入鬼中國与南蛮四夷來同貢曰有宗廟祀事

奔星流入鼎項大臣有戰死者

流星犯鬼帝王威振新奸謀春夏犯政事不明秋冬  
犯積尸天子多疾病

流星犯柳則國亡期九十日

入柳名木有來者出之名木有出者

流星數丈入柳王者有大災春夏犯帝王必發急使  
秋冬犯後宮口舌起內有邪私事

流星犯心星國有兵不出百八十日

入心星各有急事來使者若出心星王者以急事出  
使期百八十日若一年一日天下更令有徙人期三

乙巳占

卷八

十

年以有急來使于諸侯

流星双入心星五谷不熟春夏犯第三星兵大起秋

冬犯冲水灾王者憂

流星入張諸侯有誅者若君使于諸侯一日天下更  
会有移徙期三年

出張諸侯有受賜者

流星犯張厨官有事一云病春夏犯火灾五谷不登  
秋冬犯魚行道上鹽大貴

流星犯翼國用大兵大臣有憂期百八十日  
入翼其國用兵大臣有憂若抵翼天子下尊諸侯期



半年

出翼滿國受賜恩者

流星犯翼王昌

官憂秋冬犯土加用事

各從上

流星入軫兵表並起近一年國中為幣王者應之以善令下無咎

流星出軫臣有出使者以車為幣

入長沙天子有道逃無居之憂

流星犯軫庫藏空虛春夏犯皮草用事秋冬犯水旱

不調

乙巳占

卷八

十一

流星犯中外官占

流星入垣提外國以兵為使來者若有急走王者以  
兵出使

犯冲公卿不安

流星融破大角兵衆四合有急

流星刺大角失位

犯冲大角大使出正道正帝道昌人衆

流星抵帝席諸侯兵起臣謀王若貴人更改政令期

三年

流星入平星執令臣有反若有罪

流星出平星臣有出期半年

流星入抵東西咸妃后出入不時徭役自恣一日女

主亂宮王者憂期一年遂二年

犯衝東西咸大水百川決溢

流星犯河鼓天下雷非時鳴水虫死

流星入建星天下有謀色赤者昌

犯建星王道平寧

流星犯冲鬣星水虫死魚大貴

流星犯天淵天下江海水溢百川決流

流星犯積水有大水舟楫用

乙巳占

卷八

十二

犯積薪儲厨官有罪者

入水位天下河溢五谷敗

流星犯冲閭道帝王欲使出

流星犯卷舌多讒

流星犯冲大陵塚官憂

流星犯天江有大水河海溢人民飢

流星入離珠兵起宮中有憂有罪者

流星入天大將軍大將驚出

流星出五色白諸侯為憂色黃受賜色赤主兵騎滿

野色青黑主死各以日辰占之

流星犯衝五車水旱不時人君憂一日五諸侯憂  
流星犯衝天船天下水交災魚行人道

流星犯冲龍承天下不安  
流星犯衝織女主不寧諸侯大憂

流星犯天津水災

流星犯漸臺宮殿大災一日天子出走

流星犯左右更太史失錯

流星犯衝輦道帝王出獵

流星犯庫樓主有大憂一日兵起

流星犯衝天難兵起方霸

乙巳占

卷七

十三

流星犯羽林軍大軍散一日大兵起主憂將帥  
流星犯天倉倉廩出五谷大貴人民大飢主憂

流星犯天庫人民多病

流星犯衝軍市人大飢

流星犯土司空天下兵大起人民飢男不得耕女不  
得織荒乱灾起

流星犯衝張星夷狄大起兵大動流血為災

流星衝九坎王者大憂后病

流星犯衝壘壁陣主憂受辱

流星入羽林軍兵大起士卒發將軍有出者期三年

流星犯衝南極老人星天下人民歌樂風調雨順帝  
王清泰諸侯慶賀

流星大如瓮出大陵西下必積尸

流星入斗犯天市色蒼白萬物貴赤則有大災人多

病

流星犯天市王者憂

流星犯衝貫索人飢疾病王者大憂

流星犯衝滕蛇水星受戮口舌大起一曰魚鹽大貴

一曰龍見

流星抵天關天下有急兵關梁有阻若有盜賊人民

憂近半年遠一年

流星入南河所有表兵起防或有憂一曰為兵旱

流星入北河界胡兵起入中國若關梁阻塞

流星散出軒轅間女子多譖亂

流星入抵少微賢良集道術士用一曰能人多來不

出期年

流星者帝所使也流星入太微宮及出諸內座為使

還出諸內座為使出外

流星入太微使還一曰有兵起外國有急使來不出

其年



流星入太微東西門有大兵大臣為亂貴人多死若有謀近一年中二年遠三年

流星入太微天子之使出各以其野命其國期不出三年

流星入太微犯黃帝座大人易東西犯者皆死

流星抵帝座天下亂主臣弑君國移政期不出三年

流星犯四帝座輔臣有誅執事者貴人多死期三年

流星抵屏星尚書有憂若有死者近半年遠一年

流星犯內屏王者大憂

流星犯郎位所主大臣憂

流星犯內五諸侯宰相被辱

流星犯三公內坐相憂

流星犯郎位主者被黜貶

流星犯九卿內坐王者大憂一日疾病

流星衝紫微垣者使還未見期三日內

流星入北極內使出

流星犯五帝內座邊兵出帝有大使出一日大將軍

出

流星入五帝內座使還見主

流星冲天皇大帝人主有憂

流星冲入鉤陳使還見天子不出七日三日

流星入華蓋内使發不過三日

流星犯四輔帝王被迫

流星犯三公宰相受一日被免

流星犯天相王者憂

流星犯六甲賢良免用

流星犯内階使者至一日陰謀事

流星犯天床謀兵動王者憂

流星犯女史官憂

流星犯柱史柱史大憂

乙巳占

卷七

十六

流星犯華蓋使還有功慶

流星犯大理帝王欲振威諸侯殂一曰貴臣入獄者  
獄官憂

流星犯冲天柱主憂有大使還

流星冲犯天柱帝發大使出振威天下

流星犯北斗兵大起還回使者奏事內亂為災

流星衝文昌公卿有大憂一曰文書事

流星犯天倉王者憂兵革起

流星犯冲天樞兵革起盜賊大興

客星犯列星占

客星者非其常有偶見于天皆天皇帝之使者以  
告咎罰之情也

客星犯兩角軍起不戰固有天喪其色赤所指必有  
破軍侵期城七十日或三年

他星入左角兵吏有來事者色赤以兵黃土功白義  
黑死者憂

守左角色赤天下大旱五谷不成

守右角大水

客星出右角間入亢赤色有兵白有弔客黑有過喪  
客星犯亢中國不安兵起至亂期一年

乙巳占

卷七

十七

入亢有兵戰士卒行期不出九十日天下大亂  
客星出氐入亢而期人主有病從下而上守亢国有

臣不祥

客星犯氐而入之中後宮有亂暴兵動期半年遠一

年

出氐君有疾于國外色黃白与雨星齊期十日而赦

去雨星一尺期六十日赦雨星二尺期百日赦

入氐黑色大水其國有政立廊廟有變未有兵在廟

中近臣誅貴人逆

守乘氐諸侯王者坐法誅絕無後

客星犯房主國空兵起人飢骨肉相殘

入房有大臣弑其君又曰入天府天下有喪更令之事若有急會

在房在陽為喪旱飢在陰為水兵飢

犯鉤鈴王宮大亂不出二年

客星入心諸侯有來使者

出心君使人于諸侯色赤兵黃王功者憂黑客出

入太子太子益官

赤星入心左星太子有兵入右星庶子有兵

赤星大如鉢大赤如雞冠而入心人主遇賊甚出心

乙巳占

卷八

十八

行道甚遠人主戕于千里外  
客星犯乘守心大旱天下慎火近期十日遠期一年  
客星入尾岁飢人相食多死者北夷大飢來降宮中  
忌之天下大振一東一西一南一北男不得耕女不  
得織

出入尾後有去宮者一曰賜女有暴貴者君使人于  
諸侯備賦臣兵茅罷天下大飢歲多大風猛雨  
客星入箕中天下大飢人相食人多徙并國多土功  
北夷大飢來歸中國大風雨  
余箕秋多雨与犯同占



客星犯南斗度其國必亂兵大起期一年

入斗中三尺三日不去城廓閉道路阻貴人坐之

入鉄鎖士卒殺傷其國將亡外來降

入斗諸侯客有來見天子者

出斗天子使人之諸侯色青憂赤兵黃土功白義黑

凶

入斗中三日三犯天下有赦期三月

守斗天下大喜得福一日兵家憂

客星入斗諸侯有客來以四足虫為幣

出斗君使人之諸侯以四足虫為幣色青病黑死不

乙巳占

卷七

十九

至

出牛兵起大將出關梁阻塞地大動牛馬貴三倍期

二年

入牛臣謀主五谷不登

守牛越國有喜象獻中國

入牛盜賊在江海歲多水

客星犯女鄰國以妓女來迎妾迁為后

入女留不去天下諸侯王者阻塞

出守或守女宮人有憂女主憂兵起宮門貴人有死  
期一年遠二年有嫁女事黃吉者義里亡赤憂

暴出女女主斃死期一年

他星出御女女有出者

赤星守女女喪

守女南國獻女賤女暴貴一曰糴貴

宮星犯虛中有哭泣之事

入虛中有軍在外大飢將散卒死亡天下有火令

入虛中三日強環繞之赦期七十日

入虛赤色有赦白為鬻客來

出虛大臣亂兵大起國有喪天下哭泣期三年

守虛其國兵起近期二年遠二年常有哭泣

乙巳占

卷七

二十

客星犯危國有哭泣事一曰雨水五谷不收人相食  
于道

入危有土功王者築宮室不出一年大飢人無全食  
出危中大水一曰大飢

魏景初二年十月癸巳客星見逆行在离客北騰  
蛇南甲辰犯宗星已酉滅占曰客星所出有兵喪  
虛為宗廟又近坂墓宮中將有大喪就光君于宗  
廟皆王者崩隕之象三年正月明帝崩之驗  
客星入室中天子有憂順行有德逆行凶  
黑星入廟人主有葉死不然有葉人主者

客星入室有陰雨垣牆無立者

客星舍室其國作宗廟多土功事留不去匈奴有兵  
來

客星犯壁諸侯相謀牛馬多疾

入壁諸侯有赤星後東壁入西壁臣弑其主

客星犯奎有肅清之事

入奎破軍殺將辺兵大動土功興

赤星逆行後姜至奎有兵

守奎王有憂大人當之又魯國兵起

客星犯姜國有大兵四時絕祀姜王苑收給享祀天

乙巳占

卷七

二十一

以奉事孝也王者以乘天法占遠不出三年  
入姜外夷有兵有聚散之事三日環繞之天下有赦  
期七十日

守姜天下大虛或天下權奪布帛貴

守犯姜天下欲分社稷者白衣自立牛馬貴

客星入胃王者有倉廩之事

出胃王者脩四夷臣強凌君國有大兵天下大發米

粟金銅之事期半年差二年粟減

守胃國中有大兵焚燒其倉

入天獄中二月天下有赦五日

死期不出一年若守西若後西入鬼老人死後東入鬼少年死

犯鬼而守之天下有喪陽為君陰為臣后左太子后庶子又隨所主事王者發之不出七十日

客星犯柳周當之期九十日

入柳兵大起人大怨

若星出柳舍之殺邊將諸侯

守柳庫兵大發天下有為王者

犯柳守之王者賜邊臣

客星犯七星入之有立太子者若有苛政為死喪

乙巳占

卷八

二十四

客星留而不去左右以水火為憂

宋七星周有大賢兵大起道路多水滯一日濟渠道  
路阻塞一日水火出

客星入張有賜客之事

出入張君使客賜諸侯

出張白衣同姓有自立天子更令有徙民使人放諸  
侯

守張楚周有隱士不去滿三十日有亡國死亡臣賊  
其主小人謀貴福及嗣子期三年食中有毒鄰國有  
獻食物者天下酒大出天子以為受敗



出張若守之有白衣自立者

犯守張天子以酒為憂

客星犯翼國大兵大臣憂連期百八十日

流星同

出翼將軍謀反兵大起必有戰邊兵有大急同姓有  
自立者若大水五谷傷人民飢去其鄉期三年

守翼君弱臣強四夷王

客星明大翼大水江海決溢四海道路阻塞魚龍死

于陸路

赤星入軫輕車入出輕出

客星出軫若有白衣自立者大國多害有喪兵革起

乙巳占

卷八

二十五

天下有逃主期不出一年遼三年

守軫國有自立者大國受多害

守軫兵大起边境无甚

守軫天下有山崩水溢地出

客星入長沙子有逃王一日兵尽散

### 客星犯中外官占

客星入井提謀臣在側聖人受制

客星出大角兵起天下乱若守之二十日以上王者

惡之國易政期三年

客星犯天市隨所犯者死

客星犯天市垣帝座人民大亂宮朝徙大臣期三年  
客星守東西咸人主淫佚失道

客星入天江關津絕道路阻塞一曰津吏有憂

客星犯建星王者失道忠臣誅賢士逃亡

客星犯高珠後宮凶

客星守天大將軍大將憂

客星犯五車兵革滿野天下半傾百姓徙居去其鄉

土期三年五谷貴

客星入天關天下有急關帝閉塞人多疾病多盜賊  
客星出南河界有男表事于外暈三重必有降城一

曰客星犯兩河界間天子出走大臣執勢王者以赦  
除咎郡臣天子以寧

客星入北河界胡多異兵

客星犯五諸侯王室亂大兵起天下宗廟不祀

出五諸侯大臣有憂若執政臣得罪一曰議臣有黜  
赤星守諸侯天下大亂

客星犯積水兵起宮門宗廟毀絕大臣憂

出積水天下水溝為灾土功隄防之事期不出一年

客星出積薪有司若以薪蒿之事而致罪

客星犯水位水道閉塞伏兵在水中以水為害

水出位為水官有憂若臣有謀兵起期三年

客星犯軒轅近者誅滅宗族王以赦除咎

入軒轅有遠客來者入東門有夷人從外來降

客星犯少微白衣服王者出術士不彰智者逃亡期

三年入少微奸臣眾

客星入少微術士用及工巧人用之

客星入太微端門仍出之其國大患天下亂以色占

之

客星出左掖門其國憂出東門早出右掖門亂出西

門亂及大水

客星入太微中兵大起有客賊來入國守之十日不出其災在陽為男在陰為女不出三十日  
客星入太微中出端門天下大亂王政立易政期三

年

他星入太微色白潤澤者有赦

客星入太子宫而勾已天下有赦

入太微中乘守王者有殃出太微國有兵喪

入太微中乘守犯黃帝座天子憂臣謀主至座而還

謀不成反受其殃犯之十日以上臣謀成期不出一

年

客星抵帝座天子有喪抵坐傍臣有反者

有赤星銳如鉤抵帝座天子兵驚一曰大驚

黑星抵帝座天子惡之

客星犯乘守內屏為君臣失禮而輔臣有謀諫者死  
免罷

客星入紫微王室有兵喪

客星出平星賦欽之臣有罪若庫使不忠當有黜廢  
期不出一年

客星守明赫軍天下兵戈大起

乙巳書卷之七終